

Krisiari jarriak

I

Nahiz ta amestu ondo izango
ginela bizi guzian
uste gutxien genuenean
sartu gaituzte krisian
atzo artean denok aberats,
gaur denok ezin bizian
harrapatuta gelditu gara
bankuaren lurjauzian.



DANI BLANCO

IV

Diruarekin diru egiten
mozkorturikan bankuak
beti kreditu eskeinka ziren
nahi ziren bezalakuak
oinarririkan gabeko planak
gero emaitzak halakuak
bide hortatik etorri dira
ikuilura behi plakuak.

II

Erreparasatzen jarri ezkerro
azkenengo urte hauei
harrokeria puntu bat ere
ez ote zaigu ageri
zero bezala saldu zaiguna
bilakatu da aberi
gezurretaiko putzu batean
egin baitugu igeri.

V

Orain alferrik aritzea da
egin banu ta bazendu
aska hustuta nola dagoen
behia ezin da gizendu
ari direla diote baina
inork ezin du zuzendu
gizena antzu omen dago ta
plakoari ezin kendu.


III

Etxe, autoa edo oporrak
kontsumismoa zutabe
aurreratutzen saiatu baino
aurrez gastatzea hobe.
Dena kreditu dena hipoteka
ta bankua denen jabe
denok aberats sentitu gara
txanpon bat ikusi gabe.

VI

Nahiz ta ohitura hori ez izan
lehengo aitona zaharrena
behia ahaztuta ibili gara
denok munduan barrera
gero hortatik etorri zaigu
konpon ezin den herrena
behia esnedun izan nahi bada
pentsua eman aurrena.

DOINUA: "Ari naizela ari naizela".



Bidali zure sortak bertsoak@argia.com helbidera. Aukeratuak orri honetan argitaratuko ditugu.